

Tsonga - Khongela Tipisalema - WP Psalms

Tipisalema 68:1 Loko Xikwembu xi humeleta, valala va xona va hangalaka, lava va xi vengaka, va suka va tsutsuma.

Tipisalema 5:9,10 Leswi humaka emilon'wini ya vona a swi na ntiyiso, timbilu ta vona ti tele vumbabva; hambiloko va vulavula swo tsakisa vanhu, minkolo ya vona i masirha lama ahlameke. 10 We Xikwembu, va rhwexe milandzu ya vona, va tshike va lovisiwa hi makungu ya vona; va hlongole va suka emahlweni ka wena hikwalaho ka swidyoho swa vona leswo tala, hikuva va ku hundzukerile.

Tipisalema 11:6 Lavo homboloka, yi va nisela mpfundze ni xivavula, mpandzwa wa vona i moyo lowu hisaka.

Tipisalema 18:14 HOSI yi copa valala hi miseve ya yona, yi va hangalasa, yi vangamisa rihati, yi va hlanganisa tinhloko.

Tipisalema 18:17 Yi ndzi ponisile emavokweni ya nala wa mina wa matimba, ni ka lava a va ndzi venga, hikuva a va ndzi tlula hi ntamu.

Tipisalema 18:39 U ndzi haverisa matimba ya ku ya enyimpini, u sindzisa lava a va lwa na mina ku ndzi nkhinsamela.

Tipisalema 18:45 va hela matimba, va huma hi ku rhurhumela emakhokholweni ya vona.

Tipisalema 27:11 We HOSI, ndzi kombe leswi u rhandzaka swona, u ndzi sirhelela lomu ndzi fambaka kona, hikuva ndzi ni valala.

Tipisalema 35:1-8 We HOSI, hlasela lava va ndzi hlaselaka, u lwa ni lava lwaka na mina. 2 Teka xitlhangu lexikulu ni lexitsono, u ta u ta ndzi ponisa. 3 Khoma tlhari ni xihloka, u lwa ni lava va ndzi hlongorisaka! Ndzi tshembise leswaku u ta ndzi lwela. 4 Lava ringetaka ku ndzi dlaya, a va nyumisiwe va tsongahatiwa; a va tlherisiwe va khomiwa hi tingana, lava va ndzi tshamaka xikungu. 5 A va fane ni mungu lowu hahisiwaka hi moyo, ntsumi ya HOSI a yi va hangalase. 6 Laha va taka hi kona, a ku ve ni xinyami ku tlhela ku rheta, loko ntsumi ya HOSI yi ri karhi yi va hlongorisa. 7 A ndzi va dyohelanga nchumu, kambe va ndzi rhiya hi ntlhamu, va cela khele leswaku ndzi wela ka rona ndzi fa. 8 A

va humeleriwe hi khombo leri va nga ri langutelangiki, ntlamu lowu va wu rhiyeke, a wu phase vona wu va dlaya!

Tipisalema 52:5 Kambe Xikwembu xi ta ku herisela makumu, xi ta ku wisa, xi ku humesa emutini wa wena, xi ta ku tsuvula u suka etikweni ra lava hanyaka.

Tipisalema 60:12 Xikwembu xi ta yima na hina, kutani hi ta hlula, hi xona xi nga ta kandziyela valala va hina.

Tipisalema 66:3 Huwelelani emahlweni ka Xikwembu mi ku: "Mintirho ya wena ya hlamarisa; valala va wena va rhurhumela emahlweni ka wena, hikuva matimba ya wena i makulu.

Tipisalema 68:35 Loko Xikwembu xi huma eTempeleni ya xona, a hi ku chavisa ka xona! Hi xona Xikwembu xa Vaisraele lexi xi va tiyisaka, xi va nyikaka ntamu. A ku tlangeriwe Xikwembu!

Tipisalema 70:1 We Xikwembu ndzi lamulele, hatlisa u ta ndzi pfuna we HOSI.

Tipisalema 71:13 Lava va ndzi lumbetaka, a va khomiwe hi tingana va herisiwa, lava ringetaka ku ndzi vavisa, a va tivangele ku soriwa ni mindzhukano.

Tipisalema 76:12 Hi xona xi tsongahataka vatikukumuxi, hambi ti ri tihosi ta laha misaveni ta rhurhumela emahlweni ka xona.

Tipisalema 118:10 Vanhu hinkwavo va matiko a va ndzi rhendzerile, kambe hi vito ra HOSI, ndzi va hlurile.

Tipisalema 118:12 Va ndzi hlengerile kukota tinyoxi, kambe va hatle va nyamalala, onge i ndzilo wa mavivi. Ndzi va hlurile hi vito ra HOSI.

Tipisalema 149:8,9 Va ta khoma tihosi ta vamatiko va ti boha hi tinketani, va boha ni tindhuna ta kona hi tinsimbhi. 9 Va ta laya vamatiko valavo hilaha swi tsariweke hakona. Lava tshembaka HOSI Xikwembu, va ta kurisiwa hinkwavo hi ndlela yeleyo. Dzunisani HOSI!